

# قف مع نفسك قبل الندم | الحلقة ( 90 ) | #شبابيك | د. حازم

## شومان

حازم شومان

الحمد لله وكفى وصلة وسلاما على عباده الذين اصطفى. اللهم لك الحمد كله وهو بيدك الخير كله واليک يرجع الامر كله. اللهم صل على حبيب قلوبنا وعلى طبيب قلوبنا وعلى شفيعنا يوم العرض عليك - 00:00:00

محمد صلى الله عليه وسلم في الاولين والآخرين. والملا الاعلى الى يوم الدين. اما بعد. شبابنا الجميل. بناتنا. ربنا يبارك فيكم. ربنا عزيز نقف مع بعض وقفه يا جماعة. يعني سبحانه الله من عدة ايام في استقبال المستشفى واحد اخواني واقف في استقبال المستشفى في يعني قرب يعني - 00:00:20

يعني في نص الليل جه اثنين شباب اثنين اوفر دوس اثنين واحدين جرعة مخدرات زايدة. الاثنين حصل لهم توقف في عضلة القلب. يعني الاثنين بيموتوا يا جماعة والاثنين فعلا خلاص يعني شبه مات وهي لحظات ويبقى ده اسمه ميت وده اسمه ميت. ودخلوا اوضة الافاق وفضل طاقم الاطباء يحاول بكل كهنة - 00:00:40

انه يرجع نبض القلب بتاع ده وبتاع ده. ولكن سبحانه الله العظيم الاولاني مات. نبض القلب ما رجعش تاني. والتاني بعد محاولات جاهدة اخيرا على الفجر بدأ نبض القلب يرجع وبدأ الشاب يقدر يتكلم تاني. يعني صاحبي وقف جنب الشاب اللي نجا فبيقول له انت تعرف ان اللي كان نايم على - 00:01:00

السرير جنبك ده كان واحد برضه اوفر دوس في المخدرات واحد منهم واحد حقنة وواحد منهم شم يعني فيبيقول له انت تعرف اللي كان نايم جنبك ده هو كان كمان اوفر دوس في المغترات. فالشاب يعني فتح عينه وبص بفزع. قال له طب وحصل له ايه ؟ قال له مات مات. مات مات. هو خلاص فرسته - 00:01:20

وراحت وانت ربنا اداك فرصة تانية. انت كانك كتب لك عمر جديد دلوقي. انت تضمن منين ان انت اللي كان ممكن تموت مكان الشاب الاولاني ده ؟ يا جماعة اثنين نفس القضية مخدرات. اثنين اوفر دوز. الاثنين نبض القلب توقف ولكن ربنا كتب ان ده خلاص فرسته انتهت. وربنا اده لده فرصة تانية - 00:01:40

تضمن منين بقى ؟ تضمن منين ان انت لا تاخذ فرصة تانية ؟ تضمني منين ؟ انت صاحبك مات وانت لسة ما اتغيرتش. صاحبتك ماتت ماتت وانت لسة ما فييش حاجة فيك اتغيرت - 00:02:00

يا اخواننا الشباب الوقتي بيموت بالبطيء. الشباب الوقتي لو ما فصلش ووقف مع نفسه الشباب بيموت بالبطيء. ايه اللي بعد كده غير اسوأ من اللي هو فيه ؟ فيه كتير الوقتي يا يتوب يا اما هيوصل لمرحلة الانتخار. يعني سبحانه الله كنت قاعد مع احد مفسلين الاموات بنفطر مع بعض من عدة ايام. فيبيقول لي - 00:02:10

يعني يعني راح يجيب واحد مات عشان ينقله من بلد لبلد. ركب مع الميت في العربية ثلاثة. ثلاثة رايحين يجيروا الميت ويساعدوا في غسله ويساعدوا في يعني في تجهيز الجنازة بيقول طلع من البلد ومعه واحد ميت وتلاتة راكبين مع الميت. بيقول لي عن ما وصلت للبلد بتاعة الميت - 00:02:30

كان بقى معي اثنين ميتين واثنين عايشين. واحد من التلاتة جا له سكتة قلبية في الطريق مات. بيقول وصلنا البلد بجستين. يعني واحد راح يجيب ميت مات واحد راح يغسل ميت مات. واحد راح يجهز ميت مات. تضمن منين ؟ يا اخواننا ما فييش اي حد يضمن اي

حاجة. والله طول ما احنا عايشين في - 00:02:50

الدنيا دي ما نضمن لحزة فيها. شبابيك. شبابيك ده الشعار بتاعنا في البرنامج ده. شبابيك لما نزلت الساحل الشمالي وانت بتاخذ الساحل الشمالي من اوله وانت معدى على القرى بتاعتة كلها وانت معدى على مارينا وعلى جولف بورتو وعلى هايسيندرا وعلى مراسى وعلى سيدى عبدالرحمن - 00:03:10

وعلى وانت قاعد تشووف ما لا يتخيله عقل شبابنا وصل للمرحلة دي. تحس ان الشباب عاملين بالزبط زي بيقولوا لك فيه واحد بيموت جوة شقة وكل الابواب مفولة وكل الشبابيك مفولة. لازم حد يكسر شباك. يدخل منه ينchezه. لازم يا جماعة الشباب الوقتي عايش جوة بيوت مفولة. بل كل - 00:03:30

البيوت دلوتني مفولة على مشاكل. عايزين نفتح شبابيك يا جماعة. شبابيك يدخل منها النور تاني. شبابيك تنور لنا حياتنا تاني. عايزين نفتح في قلوبنا شبابيك تنور لنا تاني. تنور للشباب قلوبهم تاني. عايزين كل واحد مننا يفتح شبابيك في حياته. تنور له عشان ننقد لازم - 00:03:50

يا اخوانا انا حاسس انها مهمة مقدسة. ان احنا لازم نفتح شبابيك على الشباب اللي عاد عايش جوة بيوت مفولة حتى الفيسبوك. الفيسبوك كانت فكرته ايه ان الشباب رفض المجتمع. ان الشباب عمل لنفسه مجتمع مغلق عليه. ما حدش له دعوه به. كانت فكرة الفيسبوك في الاول ايه؟ فكرة الساحل الشمالي. ان - 00:04:10

الشباب قافلين عليهم القرى السياحية لا لهم دعوة بالواقع. ولا الواقع له دعوة بهم. الوقت شباب المخدرات لوحدهم كانها بيوت زجاجية بالصبر. كانها بيوت زجاجية والعياذ بالله الشهوات والزنا لوحدهم. شباب الشبهات لوحدهم. الشباب مفقول عليه. عايزين نفتح شبابيك. يدخل النور منها. تاني - 00:04:30

يعني سبحان الله العظيم يعني ابن اتصلوا به يعني ابن امه مرضت مرض شديد جدا وكان لازم تعمل عملية خطيرة وسافرت عشان تعمل العملية في بلد تانية او محافظة تانية فالابن نتيجة زروفه وارتباطاته ما قدرش يسافر مع والدته. الام حالتها تدهورت جدا اتصلوا بابنها قالوا له الحق والدتك - 00:04:50

ساعات يا تلحق تشووفها قبل ما تموت يا اما هتوصل بعد ما تكون ماتت. الابن طار عشان يلحق والدته. وهو على مدخل المدينة اللي والدته بتعمل العملية فيها جا له سكتة قلبية مات. المفروض انه كان رايح عشان يرجع بجسد والدته. امه هي اللي رجعت بجسده. المفروض انه - 00:05:10

رايح عشان يرجع بجنازة الام. الام هي اللي رجعت بجنازة الابن وهو رايح عشان يجييها هي اللي جابتة ورجعت تضمن منين؟ تضمني منين انت وقعت في معاصي وووقيت في كبار ودخلت على كبار. وصاحبك مات وكان بيعمل نفس المعاصي ده وانت لست مكملا عليها. صاحبك - 00:05:30

اللي كانت متبرجة ودخلت تاخذ دش بس بعد ما كنتم انتم الاثنين في محاضرة واحدة وفي سكن واحد وفراوند واحد وعرفت انها ماتت وفضلت انت على اللي انت فيه وفضلت انت على نفس الطريق اللي انت فيه هنتغير امتى يا جماعة؟ هنتغير امتى؟ شاب من الشباب؟ يعني ساكن جنبنا جنب البيت بيت عندي وهو معدى كده في احد - 00:05:50

اخواني بيقول له تعال يا فلان تعال صل معنا. الكلام ده يا اخواننا يعني لسه في رمضان يعني في نص رمضان اللي فات دهوه. يعني الكلام ده لسه ما عداش عليه شهر تقريبا. تقريبا - 00:06:10

بيقول له تعال يا فلان صل معنا. قال له باقول لك ايه انت وانت قدي انت كنت عايش حياتك بالطول وبالعرض. سبني اعيش حياتي ولما ابفى قدك هاصللي تاني يوم كانت المنطقة بتتصلي على الشاب داهو تاني يوم وقع من الدور التامن او التاسع في العمارة بتاعتة وهو واقف في الشباك مات في لحزة - 00:06:20

كل حاجة انتهت في لحزة. الفجر كانت صلاة الجنازة عليه. تضمض منين؟ مين فينا يضم يضم يا جماعة؟ مين فينا لو ما اتغيرش يضم شبابيك؟ لازم لازم الواقع ده يتغير يا اخواننا. لازم الشاب اللي قافل على نفسه مش عايز يسمع حاجة. مش عايز يسمع حد مش عايز

حد ينصحه. مش عايز حد يخرجه من اللي هو فيه - 00:06:40

عايز يوهم الناس كلها ان هو مبسوط كده ومش عايز يتغير. لازم نفتح شبابيك على الشباب دول. ولازم هم يفتحوا شبابيك. وزيفة البرنامج ده. ان احنا نقنع كل شاب لكل فتاة انهم لازم يفتحوا شباك على الحياة. لازم يفتحوا لنفسهم شباك النور بيجي منه. والا لو فضل كده لا يلومن الا نفسه. الشاب - 00:07:00

اللي جاي مخنوقي ويبيقول لي انا خلاص انا هانتحر. انت يا ابني ما تعرفش ان كل يوم فيه اربع تلاف واحد بينتحروا في الدنيا. كل يوم في اربع واحد بينتحروا في الارض انت مرشح لو ما تبتتش انك تبقى واحد من الاربع تلاف دول. انت مرشحة لو ما توبتيش لو ما تغيرتيش انك تبقى واحدة من الاربع تلاف دول - 00:07:20

تضمن منين؟ في الغرب وفي الشرق وفي كله الانتحار عاد منتشر يا جماعة. لأن خلاص الشباب عمل كل حاجة وعايش تعيس. لما تنزل في الساحل الشمالي وفي شرم اوسي. تلاقي الشباب ما عادش بيقصوا لبعضه اصلا. ما عادش الشاب بيقص للبنت وخلاص. من كتر المعاشي اللي عملوها هو ما عدش عنده حاجة بيقص لها - 00:07:40

هو بقى ماشي الشاب اللي بيعصي ربنا انا باقول لك انا خلاص انت بتعمل المعصية. نفسستك وانت بتشرب المخدرات. قاعد تضحك وسط اصحابك وانت قلبك بيبيكي. وانت قلبك بيقطع. وانت قلبك بيتمزق من جوة - 00:08:00

كل يوم الصبح تصحي وتحس انك مخنوقي ما انتش طايق لحزة الصحيان من النوم. ما انتش طايق اللحزة اللي بتفتح فيها عينيك وتكتشف انك انت لسة عايش. وما انتش عارف تعمل ايه؟ تنزل تدور على اي معصية تهرب بها من الهم اللي انت فيه. وبعد المعصية كل حاجة اتحرقت. شباب جايين يقولوا لي احنا كل حاجة عندنا احرقت - 00:08:15

طقم المخدرات احرق. طعم الزنا احرق. طعم الواقع الفاسدة احرق. باقول لهم انا خايف عليكم من القتن. قالوا لي فتن ايه! احنا ما عدش فيه معصية لها علينا في حياتنا. انت عارفين انت لسة شفت حاجة! انت لست شفت حاجة! يا اخوانا معزم الشباب الوقتي وصل لمرحلة يا اما تتوب! يا اما تنتحر! اربعة - 00:08:35

شباب جايين من الساحل الشمالي ما سابوش كبيرة الا وعملوها. زنا مخدرات. عملوا كل حاجة وهم راجعين العربية اتقلبت. ثلاثة منهم ماتوا. صاحبهم الرابع لما وعرف ان اصحابه الثلاثة هيصلوا الجنائز عليهم تاب لربنا الاربعة كانوا اصلا جنب. يعني الاربعة ما ينفعوش يصلوا غير لما يغسلوا. صاحبهم لما - 00:08:55

هؤلاء اصحابه الثلاثة ماتوا بعد زنا ماتوا جنب. صاحبهم اتقلبت حياته. وهو دلوقتي اخ من الاخوة الدعاة الى الله. بعد ايه؟ هو كل واحد فيينا مستني ان ثلاثة من اصحابه - 00:09:15

ويmortوا عشان يتغير. انا كنت واقف مع شاب من الشباب. باقول له يا حبيبي فكر. حبيبي ما تضمنش. يا حبيبي ملك الموت مش هيستأزنك مش هيستناك. الشاب ده مات بعد اتنين وسبعين ساعة. اتنين وسبعين ساعة بالزبط ومات. اتنين وسبعين ساعة وكان من اهل الاخرة. مات تحت يعني مات وهو بيحضر - 00:09:25

مات واصحابه رموه من العربية وطلعوا يجروا. مات في لحزة كل حاجة بتنتهي في لحزة. كل حاجة بتحصل في لحزة. شبابيك. عايزين نفتح شباك يا جماعة. عايزين يا جماعة. عايزين النور يدخل يا جماعة. يا انت تفتح شباك النور يدخل لك منه. يا اما حد يا جماعة يوصل لكل شاب يوصل لكل مكان - 00:09:45

يوصل لكل قرية سياحية يوصل لكل مصيف. يوصل لكل صفحة فيسبوك ما لهاش دعوة بالدين. يوصل لكل شباب قافلين بيت زجاجي على نفسهم وبيعصوا ربنا فيه يوصل لهم ويقول لهم مش هتقروا تكملوها كده. والله ما هتقروا انت وانت بتعصي ربنا في الاول. انت اول ما بدأت تعصي ربنا كان قلبك بيقطع وانت بتعصي المعصية اللي انت - 00:10:05

مدمنها وكت خايف من عقوبة ربنا تنزل عليك. شوية بقى بتعمل نفس المعصية بس وانت قلبك قاسي. شوية بقى بتعمل نفس المعصية بس وانت قلبك ميت ما عدتش بتفك. خلاص شوية بقى بتعمل نفس المعصية. وانت معتقد ان ما عادش قدامك بديل تعيش غير بنفس المعصية دهيه. هتحس ازاي؟ بكلمة - 00:10:25

اهدنا الصراط المستقيم في الصلاة. وانت قاعد تسمع غني لي وبص لي واعملني لي وحبيبني. هتحس ازاي؟ باهدينا الصراط المستقيم  
وانت لما الامام في خطبة الجمعة بيقول تبنا الى الله بتخاف تقول امين. احسن تتورط وتدبس. هتحس ازاي باهدنا الصراط المستقيم

- 00:10:45 -

ما فيش حاجة ربنا حرمها الا و بتسمعها وانت ما فيش منزرا او فتنة او متبرجة عدت عليك لو بصيت لها. هتحس ازاي بالصلاه؟  
هتحس ازاي بكلمة الله الله اكبر. هتحس ازاي بكلمة اهدنا الصراط المستقيم؟ هتحس ازاي بالسجود وبالركوع؟ هتحس ازاي بالوقفة  
بين ايدين ربنا؟ واحنا طبعنا على قلوبنا - 00:11:05 -

من كتر المعاصي اللي احنا عملناها. يا اخوانا اللي يشوف منزرا الشباب ليلة سبعة وعشرين رمضان. وهم واقفين سادين الشوارع  
وقادعين يقولوا يا رب. في التهجد ويشوف منظر الشباب ليلة العيد وهم ما فيش معصية الا وبيعصوا ربنا بها. نص الشباب اللي زنا  
طول حياته اول مرة زنى ليلة العيد - 00:11:25 -

نص الشباب اللي شرب خمر في حياته اول مرة شرب خمر ليلة العيد. نص الشباب اللي وقع في المخدرات اول مرة شرب مخدرات  
في حياته ليلة العيد المنذر ده قسمة الشاشة نصين احنا قفلنا عليها الحلق دهي. قفلنا عليها اول لقاء لنا في شبابيك. اول لقاء لنا في -  
00:11:49 -

اللي احنا هنبدأ فيها يا جماعة. رسالة ان لازم نفتح شبابيك على الشباب اللي قابل على نفسه. وان شاء الله بازن الله هنبدأ بالرسالة  
دهيت الحلقة الثانية هنبدأ بالرسالة دهيت الحلقة الجاية هنبدأ بالرسالة داهية الخطوة الجاية كل يوم بيفوت على - 00:12:09 -  
حبي لك بيزيد شوية. هنبدأ مع ازاي نوصل لحب ربنا. اول شباك لازم نفتحه. شباك حب الله. شباك ازاي نقرب من ربنا سبحانه وتعالى  
اول نور لازم يدخل علينا عشان نتغير. سبحانه الله وبحمدك اشهد ان لا اله الا انت استغفرلك واتوب اليك - 00:12:27 -  
00:12:47 -